

en dan sie gesein mugē. Du machst auß; einē mēsch-  
en was du wilt und es mag doch nicht mer gesein-  
den als ich dir sagē wil. Mit vrlaub aller reinē frauē  
Ein igliches mēsch wirt in lüden empfāgen mit unrei-  
nē und ungenatē unflat. in muterlichē leib generet.  
Macker geporu vñ ist beschmirt als ein pinstock eÿ  
gāzer unlust. ein kotual; eÿ unreine speiß; eÿ stäck-  
haul; ein unlustiger spulzuber. eÿ fauls al; ein schi-  
melkast. ein podēloser sack. ein locherete taschē. ein  
plaspalck. ein geiriger schlüt. eÿ ubel richēder harm  
kruck. eÿ ubel schmeckēd eimer. ein betrigēder tock-  
enschein. ein unsetiger lesch krug. und ein gemalte  
betrignus. Es merck wer do woll. Ein igliches ganz  
gewurckts mēsch hat neun locher in seinē leib auß;  
dē allē fleusset so unlustiger und unreiner unflat das  
nicht unreiners gewesen mag. So schon es mensch  
geschicktu nie hestu eines linzē angē vñ künest es in-  
wēdig durch sehen dir wurd darob grauē. Seyn  
vñ zeuch ab d̄ schonstē frauē des schneiders varb. so  
sihestu ein schēliche tocken ein schir schwelchēde plu-  
men und kurz trauerēden schein und ein pald vallē-  
den erden knoln weiß; mir ein hant voller schon der  
aller schönstē frauē die vor hūndert iare haben gelebt  
auß genommen d̄ gemaltē an der wādt. und hab dir  
des keisers kron zu eigē. La hin flissen lieb. la flissen  
leidt. la rīnen dē rein als andre wasser. Eseldorff wei-  
ser gotlinck.

Des lagers wider red das .xxv. capitel.

**O**hei euch poſer ſchaden ſack · wie gar vernicht  
obel hädelt vñ vnerec ir den werdē menſchē go-  
tes aller liebſte creatur domit ir auch die gotheit ſch-  
meher · Aller erſt pruſſe ich das ir lügenhaftig ſeit-  
vñ nicht in dē paradēiſ; beſchaffen als ir dan ſprecht  
wert ir in dē paradēiſ; geuallē · ſo weſt ir das got den  
menſchē vñ alle ding geſchaffē hat allzu mal gut-  
vnd den menſchē ober ſie alle geſetzt hat · ym ir aller  
herſchafft beuollē vñ ſeinē fuſſē vnterrenig gemacht  
hat · Alſo das d̄ menſch dē thieren des erreichs dē vo-  
geln des himels dē viſchen des meres vñ allen feuchte  
d̄ erden herſchen ſolde als er auch thut · Holt dan der  
menſch ſo ſchnod · poſ; · vñ unrein ſein als ir ſprecht  
werlich ſo het got ſo unreinlichē vnd gar vnnuzlich  
gewurckt · Holt gotes almechtige hant ſo ein unrei-  
nes vnd ein vnſtetigs mēſch werck habē gewurcket  
als ir dan ſprecht · ſo wer er ein ſtrefflicher wurcker ·  
Ho ſtund auch das nicht das got alle d̄nck · vñ dē  
menſchē ober ſie zu mal gut het beſchaffen · Her tot  
lat eue vnnutz claſſē ir ſchēdt gotes aller hubliches  
geſchopf · Engel · teufel · ſchrecklein · clagmuß das ſint  
geiſt in gottes gewäg gewelen · der mēſch iſt das al-  
ler achters · das aller behēdeſt · vnd das aller freiſt  
gotes werckſtuck · ym ſelbs gleich hat es got gepil-  
det · Alſ er dan ſelbs in dē erſtē vrbūde d̄ werlt hat ge-  
ſprochen · wo hat ye ein werckmā gewurcket ein ſo  
behendes vnd reichs werckſtuck · einen ſo werckper-  
lichē kleinē cloß · als eines menſchē haupt · in dem iſt